

Na osnovu poglavlja VII Kodeksa prikladne odjevenosti državnih službenika i namještenika Ministarstva za boračka pitanja Kantona Sarajevo, broj: 06-49-4442/11 od 24.02.2011.godine, člana 56. stav 2. Zakona o organizaciji uprave Federacije Bosne i Hercegovine («Službene novine Federacije BiH»m, broj 35/05) i poglavlja III stav 1. tačka 26. Smjernica za uspostavu i jačanje interne kontrole kod budžetskih korisnika («Službene novine Federacije BiH»m, broj 19/05), ministar za boračka pitanja Kantona Sarajevo, d o n o s i

**KODEKS PRIKLADNE ODJEVENOSTI
DRŽAVNIH SLUŽBENIKA I NAMJEŠTENIKA
MINISTARSTVA ZA BORAČKA PITANJA KANTONA SARAJEVO**

I

Kodeksom prikladne odjevenosti državnih službenika i namještenika (u daljnjem tekstu: zaposlenici) Ministarstva za boračka pitanja Kantona Sarajevo propisuje se način oblačenja zaposlenika u redovno radno vrijeme i za vrijeme učešća u manifestacijama na kojima se njeguju tekovine odbrambeno-oslobodilačkog rata 1992-1995.godina, te pri učešću u delegacijama kada su u pitanju obilježavanje značajnih događaja, datuma i ličnosti odbrambeno-oslobodilačkog rata 1992-1995.godina i narodno-oslobodilačkog rata 1941-1945.godina.

II

Zaposlenici su dužni da se za vrijeme trajanja rada prikladno oblače na način koji odgovara dignitetu zaposlenika u organima uprave. To podrazumijeva da nije dozvoljeno odijevati:

- majice bez rukava ili na bretele,
- mini suknje ili suknje iznad koljena,
- papuče, japanke ili tenisice,
- tatoo i piercing ne smiju biti vidljivi na radnom mjestu,
- džins (bilo koje vrste),
- odjeća za vježbanje, skijaške šarene džempere,
- šorcevi,
- odjevne predmete koji ne pokrivaju stomak, leđa, ramena, poprsje,
- providnu odjeću,
- odjeća sa sloganima ili natpisima
- odjeća kojom se odaje dojam neurednost

III

Zaposlenici koji su delegirani za učešće u manifestacijama i obilježavanjima iz člana I ovog Kodeksa dužni su se odjenuti u poslovno odjelo sa kravatom ili hlače u odgovarajućoj kombinaciji sa sakoom i košuljom uz odgovarajuću obuću.

Kada su u pitanju zaposlenice dužne su se odjenuti u klasični ženski kostim sa hlačama ili suknjom, primjerene dužine, sa košuljom ili odgovarajućom bluzom, te hlače ili suknju u odgovarajućoj kombinaciji sa sakoom uz adekvatnu obuću.

Dozvoljena odjeća za muškarce:

- odijelo, košulja, kravata, hlače, majice kratkih ili dugih rukava,

Dozvoljena odjeća za žene:

- odijelo, kostim, košulja, suknja ili haljina, hlače, majice kratkih ili dugih rukava, košulja treba biti primjerno zakopčana i ne preuska,

- suknja ili haljina čija dužina treba biti do koljena ili duža, ne kraća,

- cipele ili sandale,

- cipele čiste i prikladne za posao,

- miris i šminka, poželjni ali diskretni.

IV

Zaposlenici su dužni osim prikladnog poslovnog oblačenja održavati visoke standarde lične higijene i urednosti.

Zaposlenice moraju imati uredne frizure i diskretni make-up, bez suvišnog nakita, a zaposlenici moraju biti ošišani ili obrijani ili uredne brade.

V

Svi zaposlenici obavezni su se upoznati sa sadržajem ovog Kodeksa i dužni su se istog pridržavati.

VI

Nadzor nad sprovođenjem Kodeksa vrši ministar ili rukovodeći državni službenik kojeg ovlasti.

U slučaju nepoštivanja principa i pravila Kodeksa, ministar Ministarstva za boračka pitanja Kantona Sarajevo preuzima odgovarajuće mjere u skladu sa Zakonom o državnoj službi u Federaciji Bosne i Hercegovine («Službene novine Federacije BiH», br. 29/03, 23/04, 39/04, 54/04, 67/05 i 8/06) i Zakonom o namještenicima u organima državne službe u Federaciji Bosne i Hercegovine («Službene novine Federacije BiH», broj 49/05), odnosno drugim propisima.


VII

Izmjene i dopune Kodeksa vrše se na način i po postupku za njegovo donošenje.

Ovaj Kodeks stupa na snagu narednog dana od dana donošenja.

danom stupanja na snagu ovog Kodeksa prestaje da važi Kodeks prikladne odjevenosti državnih službenika i namještenika Ministarstva za boračka pitanja Kantona Sarajevo, broj: 06-49-4442/11 od 24.02.2011.godine .

Broj: 06-49-4442-1/11
Sarajevo, 12.04.2012.godine



MINISTAR

Doc. dr. Nedžad Ajnadžić